

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj predmeta: _____ 2026
Broj akta: _____
Gračanica, _____ 2026. godine

Na osnovu člana 16. i člana 104. Statuta Grada Gračanica („Sl. glasnik Grada Gračanica“, broj: 1/23)
na prijedlog Gradonačelnika Gradsko vijeće Gračanica na sjednici održanoj _____ 2026. godine,
d o n o s i

ODLUKU
o prihvatanju inicijative za uspostavljanje trajne saradnje
Grada Gračanica sa Gradom Samoborom – Republika Hrvatska

Član 1.

Na principima izražene volje, međusobnog uvažavanja i obostranih interesa građana Grada Samobora i građana Grada Gračanica prihvata se inicijativa o uspostavljanju trajne saradnje i svestranom razvijanju prijateljskih veza i partnerstva u oblasti privrede, ekonomskog razumijevanja i razvoja uprave i javnih usluga, kroz neposredne kontakte privrednih organizacija, privrednika, vaspitno-obrazovnih ustanova, kulturnih institucija, društvenih i sportskih organizacija, turizma, kao i u drugim oblastima od obostranog interesa.

Član 2.

Ovlašćuje se Gradonačelnik Grada Gračanica da u skladu sa ovom Odlukom, u ime Grada Gračanica potpiše Sporazum o prijateljstvu i saradnji te Sporazum o uzajamnoj pomoći u kriznim i vanrednim situacijama sa Gradom Samoborom – Republika Hrvatska.

Član 3.

Odluka stupa na snagu danom objavljivanja u “Službenom glasniku Grada Gračanica”.

PREDSJEDAVAJUĆI
GRADSKOG VIJEĆA
Mirza Okić

OBRAZLOŽENJE

Pravni osnov

Članom 16. Statuta Grada Gračanica („Sl. glasnik Grada Gračanica“, broj: 1/23), propisano je da Gradsko vijeće u okviru svojih nadležnosti donosi odluke o udruživanju jedinica lokalne samouprave u savez i druge oblike organizovanja, dok je članom 104. Statuta propisano da Grad može pristupiti međunarodnim udruženjima lokalnih zajednica i sarađivati sa lokalnim zajednicama drugih država u skladu sa Ustavom i Zakonom o čemu Odluku donosi Gradsko vijeće samostalno ili na prijedlog Gradonačelnika.

Razlozi donošenja

Inicijativu za uspostavu saradnje s Gradom Samoborom iznijeli smo u februaru 2025. godine na sastanku s gradonačelnicom Samobora, gospođom Petrom Škrobot. Gradonačelnica Petra Škrobot uputila je prijedlog Sporazuma o prijateljstvu i saradnji te prijedlog Sporazuma o uzajamnoj pomoći u kriznim i vanrednim situacijama između Grada Samobora i Grada Gračanice.

Ovi sporazumi potpisuju se s ciljem jačanja prijateljskih veza te unapređenja dobrobiti građana oba grada. Njima se stvara okvir za aktivnu saradnju između građana, udruženja, privrednika i privrednih društava.

Posebno se ističe saradnja u kontekstu zajedničkih težnji ka evropskim integracijama. Grad Samobor, kao dio jedinice lokalne samouprave u državi članici Evropske unije, pružit će podršku Gradu Gračanici kroz razmjenu iskustava, savjeta i informacija. Ova podrška odnosi se na usklađivanje organizacije gradske uprave i normativnih akata sa standardima Evropske unije, kao i na zajedničko djelovanje u ostvarivanju ciljeva i pristupu fondovima EU.

SPORAZUM

O UZAJAMNOJ POMOĆI U KRIZNIM I VANREDNIM SITUACIJAMA

Ovaj Sporazum o uzajamnoj pomoći u kriznim i vanrednim situacijama (u daljem tekstu: **Sporazum**) zaključuju:

GRAD SAMOBOR, Trg kralja Tomislava 5, 10 430 Samobor, Republika Hrvatska, kojeg zastupa gradonačelnica Petra Škrobot

i

GRAD GRAČANICA, Mula Mustafe Bašeskije br. 1, 75 320 Gračanica, Bosna i Hercegovina, kojeg zastupa gradonačelnik Sadmir Džebo

(u daljem tekstu pojedinačno: **Strana**, a zajedno: **Strane**).

PREDMET SPORAZUMA

Član 1.

Predmet ovog Sporazuma je uspostavljanje okvira saradnje između Strana radi uzajamne pomoći i koordiniranog djelovanja u slučaju kriznih i vanrednih situacija, uključujući prirodne nepogode i druge krizne događaje koji mogu ugroziti živote ljudi, materijalna dobra, okoliš i normalno funkcionisanje zajednice.

PODRUČJA SARADNJE

Član 2.

Strane saglasno utvrđuju da će saradnja obuhvatati sljedeća područja:

- saradnju u slučaju prirodnih nepogoda (poplave, zemljotresi, klizišta, požari, ekstremni vremenski uslovi i slično) i drugih kriznih i vanrednih događaja;
- razmjenu pravovremenih informacija relevantnih za prevenciju, pripravnost, odgovor i oporavak od kriznih i vanrednih situacija;
- razmjenu stručne pomoći, znanja i iskustava iz oblasti upravljanja krizama i vanrednim situacijama;
- pružanje, u skladu s mogućnostima Strana, materijalnih resursa, opreme i logističke podrške;
- organizovanje i provođenje zajedničkih obuka, radionica i simulacijskih vježbi.

NAČINI SARADNJE U KRIZNIM I VANREDNIM SITUACIJAMA

Član 3.

U slučaju nastupanja krizne ili vanredne situacije, Strane će, u skladu sa svojim nadležnostima i raspoloživim kapacitetima, međusobno sarađivati i pružati pomoć na zahtjev jedne od Strana.

Pomoć se pruža u skladu sa važećim zakonima, podzakonskim aktima i internim procedurama svake Strane, bez zadiranja u nadležnosti državnih organa.

O obimu, vrsti i trajanju pomoći Strane će se dogovarati za svaki pojedinačni slučaj.

Svako eventualno prekogranično upućivanje ljudi, opreme ili sredstava vršit će se isključivo u skladu sa važećim propisima Bosne i Hercegovine i Republike Hrvatske te uz potrebna odobrenja nadležnih organa.

ODGOVORNOST I OSIGURANJE

Član 4.

Svaka Strana snosi odgovornost za vlastito osoblje i opremu angažovanu u okviru ovog Sporazuma, uključujući pitanja osiguranja, sigurnosti na radu i eventualne štete, osim ako se drugačije ne uredi posebnim sporazumom.

RAZMJENA INFORMACIJA I STRUČNE POMOĆI

Član 5.

Strane će uspostaviti kontakt-tačke radi efikasne i brze razmjene informacija u kriznim i vanrednim situacijama.

Razmjena informacija može obuhvatati podatke o rizicima, procjenama ugroženosti, planovima zaštite i spašavanja, kao i drugim relevantnim informacijama.

Stručna pomoć može uključivati angažman stručnjaka, savjetodavnu podršku, tehničku pomoć i razmjenu dobre prakse.

MATERIJALNI RESURSI

Član 6.

Strane će, u skladu sa svojim mogućnostima, razmotriti pružanje materijalnih resursa i opreme potrebne za odgovor na krizne i vanredne situacije.

Način korištenja, povrata i eventualne naknade troškova za korištene resurse bit će regulisan posebnim dogovorom Strana.

ZAJEDNIČKE OBUKE I SIMULACIJSKE VJEŽBE

Član 7.

Strane će planirati i realizovati zajedničke obuke, edukacije i simulacijske vježbe s ciljem unapređenja pripravnosti i međusobne koordinacije.

Programi obuka i vježbi bit će usklađeni sa potrebama i mogućnostima Strana.

FINANSIJSKA PITANJA

Član 8.

Ovaj Sporazum sam po sebi ne stvara finansijske obaveze za Strane.

Eventualni troškovi nastali realizacijom aktivnosti iz ovog Sporazuma rješavat će se dogovorom Strana, u skladu s njihovim mogućnostima i važećim propisima.

POVJERLJIVOST

Član 9.

Strane se obavezuju da će sve povjerljive informacije razmijenjene u okviru ovog Sporazuma koristiti isključivo u svrhe predviđene Sporazumom i štititi ih u skladu sa važećim propisima.

TRAJANJE I PRESTANAK VAŽENJA

Član 10.

Ovaj Sporazum stupa na snagu danom potpisivanja od strane obje Strane.

Sporazum se zaključuje na neodređeno vrijeme.

Svaka Strana može otkazati Sporazum uz pisanu obavijest drugoj Strani, uz otkazni rok od 30 dana.

RJEŠAVANJE SPOROVA

Član 11.

Sve eventualne nesuglasice koje proisteknu iz tumačenja ovog Sporazuma rješavat će se isključivo mirnim putem, neposrednim konsultacijama i dogovorom Strana.

USKLAĐENOST S PRAVNIM PORETKOM

Član 12.

Odredbe ovog Sporazuma ne mogu se tumačiti na način koji je suprotan važećem zakonodavstvu Bosne i Hercegovine i Republike Hrvatske.

ZAVRŠNE ODREDBE

Član 13.

Izmjene i dopune ovog Sporazuma vrše se isključivo u pisanom obliku, uz saglasnost obje Strane.

Ovaj Sporazum sastavljen je u dva (2) istovjetna primjerka, od kojih svaka Strana zadržava po jedan primjerak.

U znak saglasnosti, Strane potpisuju ovaj Sporazum.

KLASA:

URBROJ:

U _____, _____

GRAD SAMOBOR

Gradonačelnica

Petra Škrobot

GRAD GRAČANICA

Gradonačelnik

Sadmir Džebo

GRAD SAMOBOR, Trg kralja Tomislava 5, 10 430 Samobor, Republika Hrvatska, kojeg zastupa gradonačelnica Petra Škrobot

i

GRAD GRAČANICA, Mula Mustafe Bašeskije br. 1, 75 320 Gračanica, Bosna i Hercegovina, kojeg zastupa gradonačelnik Sadmir Džebo,

kao jedinice lokalne samouprave, u želji da razvijaju uzajamno korisnu saradnju i prijateljske odnose, zaključili su

**SPORAZUM
O PRIJATELJSTVU I SARADNJI
GRADA SAMOBORA I GRADA GRAČANICE**

Član 1.

Grad Samobor i Grad Gračanica zaključuju Sporazum o saradnji i prijateljstvu s namjerom da podstiču prijateljstvo te doprinesu napretku i dobrobiti građana oba grada, kao i saradnji građana, udruženja i društava oba grada.

U skladu sa zajedničkom težnjom ka evropskim integracijama i zajedničkim djelovanjem u Evropskoj uniji, Grad Samobor u Republici Hrvatskoj, kao članici Evropske unije, pomoći će Gradu Gračanici svojim iskustvom, savjetima i informacijama u vezi sa usklađivanjem organizacije gradske uprave i normativnih akata sa standardima Evropske unije, te će zajednički djelovati na ostvarivanju ciljeva Evropske unije.

Član 2.

Svrha ovog Sporazuma je uspostavljanje međusobne saradnje na privrednom, ekonomskom, kulturnom, obrazovnom i sportskom području, planiranje i realizacija zajedničkih infrastrukturnih projekata, razmjena iskustava u oblasti komunalne infrastrukture, unapređenje lokalnih sigurnosnih sistema u okviru zakonskih nadležnosti lokalne samouprave, uključujući civilnu zaštitu, vatrogasne i spasilačke službe, kao i na drugim područjima od zajedničkog interesa ili potrebe.

PODRUČJA SARADNJE

PRIVREDA

Član 3.

Gradovi će nastojati unaprijediti međusobni razvoj u oblasti privrede na način da uspostavljaju međusobne privredne veze, povezuju privredne subjekte, razmjenjuju stečena iskustva i znanja, stvaraju zajedničke projekte i druge oblike međusobne saradnje koji će doprinijeti razvoju privrede oba grada.

KULTURA

Član 4.

Unapređenje i obogaćivanje kulturnog i umjetničkog stvaralaštva nastojat će se postići kroz kulturne susrete te zajedničko stvaranje i djelovanje.

Kulturni susreti između gradova trebaju doprinijeti učenju i boljem razumijevanju mentaliteta, običaja, kulture i tradicije druge strane.

OBRAZOVANJE

Član 5.

Gradovi će nastojati uspostaviti saradnju između odgojno-obrazovnih ustanova putem razmjene znanja i iskustava, susreta i povezivanja mladih kroz programe kao što su organiziranje skupova, predavanja, radionica i drugih vrsta obrazovnih programa.

SPORT

Član 6.

Organizirat će se sportski susreti u različitim disciplinama koji će doprinijeti međusobnom povezivanju građana.

SARADNJA UDRUŽENJA

Član 7.

Posebnu pažnju gradovi će posvetiti saradnji udruženja, ustanova, društava, zajednica i fondacija te drugih institucija od zajedničkog interesa.

LOKALNA SAMOUPRAVA

Član 8.

Obje jedinice teže aktivnoj razmjeni u oblastima vezanim za lokalnu samoupravu, naročito u oblasti korištenja evropskih programa koji omogućavaju finansiranje prekograničnih projekata između članica Evropske unije i susjednih zemalja iz fondova Evropske unije, razmjeni iskustava Grada Samobora u pripremi lokalne zajednice za pristupanje Evropskoj uniji, saradnji s Evropskom unijom, te iskustava Grada Samobora u pripremi projekata i apliciranju za sredstva fondova Evropske unije. Navedeni oblik razmjene odvijat će se prvenstveno na nivou gradonačelnika, gradskih vijeća i gradskih uprava.

OSTALA PODRUČJA

Član 9.

Saradnja obuhvata i sva ostala područja društvenog života koja su od zajedničkog interesa, a nalaze se u okviru samoupravnog djelokruga te su u skladu sa zakonima i međunarodnim ugovorima.

OBAVEZE POTPISNICA

Član 10.

U znak prijateljstva, kao zaloga trajnosti i prihvatanja zajedničke saradnje na principima uzajamnosti i ravnopravnosti, međusobnog uvažavanja i poštovanja, ovlašteni predstavnici gradova potpisuju ovaj Sporazum.

Potpisnice Sporazuma prihvataju sve obaveze koje se odnose na saradnju gradova radi unapređenja, razvoja, uzajamne koristi i dobrobiti građana oba grada.

TRAJANJE SPORAZUMA

Član 11.

Sporazum se zaključuje na neodređeno vrijeme.

ZAVRŠNE ODREDBE

Član 12.

Sporazum se može mijenjati i dopunjavati samo uz saglasnost obje potpisnice.

Sporazum je sačinjen na hrvatskom i bosanskom jeziku u četiri (4) istovjetna primjerka, od kojih svaka strana zadržava po dva (2) primjerka.

Član 13.

Ovaj Sporazum stupa na snagu danom potpisivanja od strane ovlašćenih predstavnika oba grada.

KLASA:

URBROJ:

U _____, _____

GRAD SAMOBOR

Gradonačelnica

Petra Škrobot

GRAD GRAČANICA

Gradonačelnik

Sadmir Džebo

PRIJEDLOG

Na temelju članaka 15. i 35. Zakona o lokalnoj i područnoj (regionalnoj) samoupravi (Narodne novine br. 33/01., 60/01., 129/05., 109/07., 125/08., 36/09., 150/11., 144/12., 19/13., 137/15., 123/17., 98/19. i 144/20.), članaka 11. i 30. Statuta Grada Samobora (Službene vijesti Grada Samobora br. 2/21 – pročišćeni tekst) i članka 69. Poslovnika Gradskog vijeća Grada Samobora (Službene vijesti Grada Samobora br. 3/19, 3/20, 2/21 i 12/23), Gradsko vijeće Grada Samobora, na svojoj _____sjednici održanoj dana _____, donosi

ODLUKU

o uspostavi prijateljstva i suradnje između Grada Samobora i Grada Gračanice

Članak 1.

Ovom Odlukom uređuje se uspostava prijateljstva i suradnje između Grada Samobora i Grada Gračanice, s ciljem ostvarivanja i razvijanja međusobnih odnosa prijateljstva te suradnje i jačanja kapaciteta lokalnih zajednica.

Članak 2.

Temeljem ove Odluke potpisat će se Sporazum o prijateljstvu i suradnji između Grada Samobora i Grada Gračanice.

Tekst Sporazuma nalazi se u prilogu ove Odluke i čini njezin sastavni dio.

Članak 3.

Za potpisnika Sporazuma o prijateljstvu i suradnji između Grada Samobora i Grada Gračanice ovlašćuje se gradonačelnica Grada Samobora.

Članak 4.

Ova Odluka stupa na snagu osmog dana od dana objave u Službenim vijestima Grada Samobora.

KLASA:

URBROJ:

**PREDSJEDNIK
GRADSKOG VIJEĆA
Luka Bišćan**